



Broj: 02-11-1378-12/22
Fojnica: 01.11.2022. godine

Na osnovu člana 72. stav (3), tačka a) Zakona o javnim nabavkama BiH („Službeni glasnik BiH“, broj: 39/14), člana 39. Statuta općine Fojnica – Prečišćeni tekst („Službene novine općine Fojnica“, broj: 2/15), u postupku javne nabavke za izvođenje radova na „Rekonstrukciji izvorišta i rezervoara u MZ Bakovići, općina Fojnica“, Općinski načelnik donosi:

ODLUKU

o dodjeli ugovora drugorangiranom ponuđaču za radove na rekonstrukciji izvorišta i rezervoara u MZ Bakovići, općina Fojnica

Član 1.

Poništava se Odluka o izboru najpovoljnijeg ponuđača za izvođenje radova na „Rekonstrukciji izvorišta i rezervoara u MZ Bakovići, općina Fojnica“, broj: 02-11-1378-7/21 od 03.10.2022. godine, kojom je za najpovoljnijeg ponuđača u provedenom postupku javne nabavke izabran ponuđač „CESTE-COMPANY“ doo Kiseljak čija cijena ponude bez PDV-a, nakon provedene E-aukcije, iznosi 25.897,00 KM.

Član 2.

Ugovor za javnu nabavku dodjeljuje se drugorangiranom ponuđaču JKP „ŠĆONA“ doo Fojnica, za ponuđenu cijenu u vrijednosti od 25.930,00 KM bez PDV-a.

Član 3.

Ova Odluka stupa na snagu danom dnošenja, a objavit će se na web stranici općine Fojnica.

O b r a z l o Ź e n j e

Postupak javne nabavke radova „Rekonstrukcija izvorišta i rezervoara u MZ Bakovići, općina Fojnica“, pokrenut je Odlukom o pokretanju postupka javne nabavke, broj: 02-11-1378/22 od 29.08.2022. godine. Javna nabavka je provedena putem Konkurentskog zahtjeva sa namjerom provođenja E-aukcije.

Ukupna procijenjena vrijednost nabavke iznosila je 29.900,00 KM bez PDV-a. Obavijest o nabavci poslana je na objavu 01.09.2022. godine, te je istog dana objavljena na portalu Javnih nabavki pod brojem: 546-7-3-37-3-20/22.

Tendersku dokumentaciju je preuzelo 12 (dvanaest) privrednih subjekata, dok je 6 (šest) privrednih subjekata preuzelo ispravku tenderske dokumentacije. Dva ponuđača su dostavila ponude u predmetnom postupku nabavke, ponude su blagovremeno stigle. U skladu sa provedenim predmetnim postupkom javne nabavke ponude su dostavili sljedeći ponuđači: JKP „ŠĆONA“ doo Fojnica i „CESTE-COMPANY“ doo Kiseljak.

Ugovorni organ je shodno odredbi člana 4. Pravilnika o načinu korištenja E-aukcije („Službeni glasnik BiH“, broj:66/16), zakazao E-aukciju za dan 23.09.2022. godine sa početkom u 14:00:00.

Nakon provedene E-aukcije, komisija je dostavila Općinskom načelniku Zapisnik o pregledu i ocjeni ponuda, broj: 02-11-1378-6/22 od 26.09.2022. godine sa preporukom o izboru najpovoljnijeg ponuđača, „CESTE-COMPANY“ doo Kiseljak sa sjedištem u Kiseljaku, ulica Kralja Tomislava br. 4.

Ponuđač „CESTE-COMPANY“ doo Kiseljak je dana 04.10.2022. godine putem e-maila zaprimio Zapisnik o pregledu i ocjeni ponuda i Odluku o izboru najpovoljnijeg ponuđača, te je bio dužan u roku od sedam dana od dana zaprimanja obavještenja o rezultatima postupka, tj. do 12.10.2022. godine dostaviti dokumentaciju iz člana 45. stav (1) tačke od a) do d) Zakona o javnim nabavkama BiH, navedena u tački 3.1. stav 4 tenderska dokumentacije broj: 02-11-1378-6/22.

Izabrani ponuđač o ostavljenom roku, po prijemu Odluke o izboru najpovoljnijeg ponuđača nije dostavio traženu dokumentaciju.

Ponuđač „CESTE-COMPANY“ doo Kiseljak je putem pošte dostavio dokumentaciju iz člana 45. stav (1) tačke od a) do d), koja je zaprimljena na protokol kod ugovornog organa 21.10.2022. godine, (predato pošti Kiseljak 19.10.2022. godine). Iz dostavljene dokumentacije (osim Uvjerenja porezne ispostave Kiseljak i uvjerenja Uprave za indirektno oporezivanje) vidljivo je da je ista obezbijeđena poslije predaje punede.

Kako izabrani ponuđač o ostavljenom roku navedenom u tenderskoj dokumentaciji nije dostavio traženu dokumentaciju, a što je bio dužan dostaviti do 12.10.2022. godine, to je prema odredbama člana 72. stav (3) Zakona o javnim nabavkama BiH, zbog njegovog propuštanja da dostavi originale ili ovjerene kopije tražene dokumentacije, Ugovorni organ ugovor dodjeljuje drugorangiranom ponuđaču.

U postupku donošenja ove odluke, posebno je cijenjena činjenica, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu naprijed navedenog odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može izjaviti žalba Uredu za razmatranje žalbi Bosne i Hercegovine putem Ugovornog organa u pisanoj formi najkasnije u roku od 5 dana od prijema ove Odluke. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka koji ne može biti manji od tri.

Dostaviti:

- Svim ponuđačima u postupku
- Komisiji za javne nabavke
- A/a

OPĆINSKI NAČELNIK

Sabahudin Klisura dipl.ing.